



Si Dolly at ang kaniyang Munting
Pulang Payong
Wong Chew Wee
Wong Chew Wee



Ang bibe na si Dolly ay may isang munting pulang payong na ibinigay ng kaniyang butihing lola.

Palagi niya itong dala-dala saanman siya magpunta, mainit man, o maulap.



Isang maulang araw noon, si Dolly ay naghahanda upang pumunta sa bahay ng kaniyang lola. Ngunit hindi makita ni Dolly ang kaniyang munting pulang payong.

“Naku! Nasaan na kaya ang aking payong?” nag-aalalang tanong niya.

“Sana ay may nakaaalam kung nasaan ito.”



Tumakbo palabas ng bahay si Dolly. Sa daan ay nakasalubong niya ang ardilya na si Squeaky. “Nakita mo ba ang aking munting pulang payong?” tanong ni Dolly.

“Hindi,” sagot ni Squeaky. “Ngunit, maaari mong gamitin itong aking payong.”

“Salamat! Napakabait mo. Ngunit, kailangan kong hanapin ang aking munting pulang payong,” wika ni Dolly habang palakad-lakad sa tabing-ilog.



Nagpapahinga sa isang troso ang palakang si Freckle.

“Nakita mo ba ang aking munting pulang payong?” tanong ni Dolly.

“Hindi,” sagot ni Freckle. “Ngunit, maaari mong mahiram ang sa akin.”

“Salamat! Napakabait mo,” sagot ni Dolly. “Pero, kailangan ko talagang mahanap ang aking munting pulang payong.”

Agad na tumawid sa ilog si Dolly.



Kalalabas lang ng dagang si Mighty sa kaniyang bahay.

“Nakita mo ba ang aking munting pulang payong?” tanong ni Dolly.

“Hindi,” sagot ni Mighty. “Ngunit, maaari mong mahiram ang sa akin.”

“Naku!” naiiyak na sabi ni Dolly.

“Gusto ko ang payong ko. Mahalaga iyon sa akin dahil matagal na sa akin ang payong ko.”



Biglang tumigil ang ulan at natuwa si Dolly. Naroon ang kaniyang lola, at hawak ang kaniyang payong!

“Maaraw at maaliwalas ang panahon noong huli mo akong binisita,” paliwanag ng kaniyang lola. “Nawala yata sa isip mo, dahil naiwan mo ito sa bahay.”

Nakangiting iniabot ng kaniyang lola ang payong kay Dolly.



USAID
FROM THE AMERICAN PEOPLE

RTI
INTERNATIONAL

ABC+: Advancing Basic Education in the Philippines



The Asia Foundation

This book was adapted as part of ABC+: Advancing Basic Education in the Philippines project.

ABC+ is a partnership of USAID and the Department of Education (DepEd), implemented by RTI International together with The Asia Foundation (TAF), SIL LEAD, and Florida State University (FSU).

This book was field tested by Hynnah Jave Alaban and was reviewed by Mary Ann C. Macaranas.

This book was approved for publication by the Department of Education – Bureau of Learning Resources.

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.

To read more books like this and get further information,
visit: letsreadasia.org

Original Story

Si Dolly at ang kaniyang Munting Pulang Payong (*Dolly and Her Little Red Umbrella*). Author: Wong Chew Wee. Illustrator: Wong Chew Wee.

Published by National Library Board, Singapore, © National Library Board, Singapore. Released under CC-BY-4.0.

This work is a modified version of the original story. @ The Asia Foundation, 2022. Some rights reserved. Released under CC-BY-4.0.



For full terms of use and attribution,
<http://creativecommons.org/licenses/by/4.0/>

Contributing translators: Dharyl Mae Degara and krista calingo